

Ministarstvo privrede

Na osnovu člana 13. Zakona o poticaju razvoja male privrede ("Službene novine Kantona Sarajevo", broj 29/15), Ministarstvo privrede Kantona Sarajevo donosi

PRAVILNIK

O IZMJENI PRAVILNIKA O POSTUPCIMA U PROVOĐENJU PROGRAMA RAZVOJA MALE PRIVREDE

Član 1.

(Izmjena člana 2. Pravilnika)

U Pravilniku o postupcima u provođenju Programa razvoja male privrede ("Službene novine Kantona Sarajevo", br. 17/16, 30/16 i 42/16), član 2. stav (1) mijenja se i glasi:

"(1) Na osnovu Programa iz člana 1. ovog Pravilnika, Ministarstvo privrede Kantona Sarajevo (u daljem tekstu: Ministarstvo) sačinjava Godišnji plan provođenja Programa, kojeg usvaja Vlada Kantona Sarajevo (u daljem tekstu: Vlada). U cilju realizacije Godišnjeg plana provođenja Programa, Ministar privrede Kantona Sarajevo donosi Odluku o usvajanju Programa utroška sredstava sa kriterijima raspodjele sredstava "Poticaj razvoju male privrede" (u daljem tekstu: Odluka)."

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 07-04-02-28071-20/15

25. maja 2017. godine
Sarajevo

Ministar
Dr. Muharem Šabić, s. r.

Ministarstvo za rad, socijalnu politiku, raseljena lica i izbjeglice

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), člana 17. Zakona o organizaciji i djelokrugu organa uprave i upravnih organizacija Kantona Sarajevo ("Službene novine Kantona Sarajevo", broj 2/12 - Prečišćeni tekst, 41/12, 8/15 i 13/17) i člana 12. Uredbe o kriterijima za finansiranje programa i projekata neprofitnih organizacija i udruženja koji se finansiraju/sufinansiraju iz Budžeta Kantona Sarajevo ("Službene novine Kantona Sarajevo", br. 33/11, 3/12 - Ispravka, 37/13, 16/14 i 6/17), ministrica za rad, socijalnu politiku, raseljena lica i izbjeglice Kantona Sarajevo, donosi

PRAVILNIK

O IZMJENAMA PRAVILNIKA O POSTUPKU PO JAVNOM POZIVU ZA DODJELU NOVČANIH SREDSTAVA NEPROFITNIM ORGANIZACIJAMA I UDRUŽENJIMA

Član 1.

(Izmjena člana 4.)

U Pravilniku o postupku po javnom pozivu za dodjelu novčanih sredstava neprofitnim organizacijama i udruženjima ("Službene novine Kantona Sarajevo", broj 9/17), član 4. mijenja se i glasi:

"Član 4.

(Kriteriji za raspodjelu sredstava)

(1) Raspodjela sredstava se vrši po opštim i posebnim kriterijima koji su propisani Uredbom.

(2) Pored kriterija iz stava (1) ovog člana, raspodjela sredstava se vrši i po Kriterijima za bodovanje i dodjelu sredstava za projekte, programe i aktivnosti po javnom pozivu za dodjelu novčanih sredstava humanitarnim organizacijama/neprofitnim organizacijama i udruženjima koji se finansiraju/sufinansiraju od strane Ministarstva kao nosioca budžetskih sredstava, za tekuću godinu.

(3) Kriterije iz stava (2) ovog člana propisuje Komisija za provođenje javnog poziva (u daljem tekstu: Komisija) i to posebno za svaki javni poziv u tekućoj godini."

Član 2.

(Izmjena člana 9.)

(1) Naziv člana 9. mijenja se i glasi: "(Sastav i poslovi Komisije)".

(2) U stavu (1) riječi: "za provođenje javnog poziva (u daljem tekstu: Komisija)", brišu se.

Član 3.

(Izmjena člana 11.)

U članu 11. u stavu (1) riječ: "osam" zamjenjuje se brojem "15".

Član 14. mijenja se i glasi:

"Član 14.

(Prigovor)

(1) Neprofitne organizacije i udruženja imaju pravo podnošenja prigovora Ministrici na odluku Komisije o dodjeli sredstava i visini sredstava, kao i na odluku Komisije o odbacivanju i odbijanju zahtjeva, u roku od tri dana od dana prijema odluke.

(2) Prigovor ne odlaže izvršenje odluke".

Član 5.

(Stupanje na snagu Pravilnika)

Ovaj pravilnik stupa na snagu danom donošenja i objavit će se u "Službenim novinama Kantona Sarajevo".

Broj 13-02/1-02-5860-1/17

22. maja 2017. godine
Sarajevo

Ministrica
Amela Dautbegović, s. r.

Na osnovu člana 66. Zakona o organizaciji organa uprave u Federaciji Bosne i Hercegovine ("Službene novine Federacije BiH", broj 35/05), a u vezi sa članom 2. stav (2) Uredbe o priznavanju prava na topli obrok u javnim kuhinjama Kantona Sarajevo ("Službene novine Kantona Sarajevo", broj 10/17), ministrica za rad, socijalnu politiku, raseljena lica i izbjeglice Kantona Sarajevo, na prijedlog Koordinacionog tijela za rad javnih kuhinja, donosi

PRAVILNIK

O NORMATIVU NAMIRNICA ZA JEDAN TOPLI OBROK

Član 1.

(Osnovna odredba)

Ovim Pravilnikom utvrđuje se normativ namirnica za jedan topli obrok i alternativna podjela suhog obroka.

Član 2.

(Definicija toplog obroka)

Toplim obrokom se smatra jedan obrok kuhane hrane dnevno po korisniku pripremljen u javnoj kuhinji Kantona Sarajevo, u skladu sa normativom namirnica za jedan obrok.

Član 3.

(Normativ namirnica)

(1) Na prijedlog Koordinacionog tijela za rad javnih kuhinja, Ministarstvo za rad, socijalnu politiku, raseljena lica i izbjeglice Kantona Sarajevo (u daljem tekstu: Ministarstvo) utvrđuje normativ namirnica za jedan obrok kuhane hrane, kako slijedi: